

آبونه شرائطی

ممالك عثمانیه ده سنه لکی (۶۵)، الق
آبونه (۲۵۱) غروشدیر .

ممالك عثمانیه ده سنه لکی (۶۷)، الق
آبونه (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی بشندیر .

§

ممالک موافق آثار مع الممنونیه قبول
اولنور . درج ابدلی بن یازیلر اعاده
اولنور نماز .

الرشاد

سر ۱۳۳۰

دینی، فلسفی، علمی، ادبی، سیاسی هفته لقی مجموعه اسلامیه در.

اخطارات

رساله من ان ابدلی کو - ترک شریطه
بتون یازیلر هر هانکی بر غرضه طرفنان
انتباس اولونه یلمیر .

§

مکتوبلرک، امضالرک واضح و اوقوناقی
اولمده و آبونه صبره نومروس محتری
بولونمکس لازمدر .

§

ممالك اجنبیه ایچون بونه دلمر
درسلسرینک فرانسرجه ده یازلمی دحا
اولنور .

§

پاره کوندرلیدیکی ان نه یه دثر و ابدلیک
واضعا ییلدیلمی دحا اولنور .

والله یمهدی من یشاء الی صراط مستقیم صاحب و مدیر مسئول: ح. اشرف ارباب اتبعون اهدکم سبیل الرشاد

جلد ۱۱

۲۳ کانون ثانی ۱۳۲۹

بخشینه

۹ ربیع الاول ۱۳۳۲

عدد ۲۸۲

حدیث شریف

سبیل الرشاد هبریده اسلامیه سی هیئت تحریریه محترمه

• ان الله تعالى یأید هذا الدين برجل فاسق •

برچوق مجالسده ایشدیکم و عیناً بالاده یازدیغ حدیث شریفک بنده کزده
حاصل ایلدیکی بعض ملاحظات و تحسینات - بونلری حدیث شریفک احتمال صحتی
ناسبتیه شمدی توضیح و تفصیل اتمکدن احتراز ایلدم - سائقه سیله سندینک
و کتب معتبره احادیث شریفه ناک هانکی سنده مذکور بولدیغنک تبعات دینییه
و تدقیقات شرعییه ایلله حائز معلومات و اسعه اولان سزک کبی ذوات عالمه محترمه دن
[فسلوا ...] فرمان سبجانیسه امتثالاً استیضاحه مجبور قالدیم . حدیث شریفک
سند صحیحیه مستند اولدینی تقدیرده علیه الصلاة والسلام افندمیزک اقر ال نبویه لرینک
هر بریسنده لایمده و لایحضا حکمت و منفعت، موجود اولدینی جبتله بوقول شریفده کی
حکم جلیله و منافع عیدیه ناک تحلیلات و تدقیقاتی و اذهان ناسده سوء تفهیمات
حصوله کتیره جک افکارک تصحیح و حقیقتک قبولی استلزام ایلجه جک صورتده
اقتاعات علمییه و محاکات منطقیه یی احتوا ایلجه جک و شعورده عالم اسلامده بویله
بر مسئله ناک احوال اداریه و اجتماعی نقطه نظرندن حائز اهمیت عظیمه اولمندن
بر آن اول تنویر حقیقت و تبعید شبهات ایچون بوهفته محترم سبیل الرشادک صحائفی
تزیین ایدم جک بر مقاله دینییه یی نظرا تهاج ایلله مطالعه ایدم بیله جکی امید ایدرم .
سبیل الرشادک حرمتکار بر قارئ

محمد هاشم

جواب :

حدیث مذکور کتب حدیثیه شویله تخریج اولونمشدیر : ان الله
لیؤید هذا الدين بالرجل الفاجر . - رواد الصحیحان .

حدیث شریف غزوه احد و یا غزوه خیبرده وارد اولمشدیر: محاربه
انساننده جانب مسلمینده بولنان بر ذات پک زیاده یارارلق کوسترمش
اولدینی حالده یارالندقدن صوکره اتجار ایتدیکندن بی ذیشان افندم

حضرتلری « ان الله لیؤید هذا الدين بالرجل الفاجر = جناب حق بودینی
(دین اسلامی) رجل فاجر ایلله تأیید ایدر » بیورمشلر ایدی .
ینه بو حادثه دن طولای « ان الرجل لیعمل عمل اهل الجنة فیما ینبذو
لناس وهو من اهل النار وان الرجل لیعمل عمل اهل النار فیما ینبذو للناس
فهو من اهل الجنة . - رواد البخاری = بر کیمسه اهل ناردن اولدینی
حاله ظاهرده اهل جنت عملنی ایشلر ، بر کیمسه ظاهرده اهل نار عملنی
ایشلرده ینه اهل جنتدن اولور » حدیث شریفی ایراد ایشلر ایدی .
ینه بو مآله « ان الله لیؤید هذا الدين باقوام لاخلاق لهم . - رواد
الطبرانی و احمد فی مسنده = جناب حق بودینی اوصاف حیده ایلله موصوف
اولیمان اقوام ایلله تأیید ایدر » حدیث شریفی وارد اولمشدیر .
اصول فقهده بیان اولندیغی اوزره خصوصی سببه اعتبار بوقدر، بلکه عهرم
لفظه اعتبار وارددر . سببک خاص اولمسی حکمک عمومیه منافی دکلدر . بوکا
مبنی بعض علماء : « عالم فاسق ایلله امام جائزده بورایه داخل اولور . » دیمشلردر .
مشرکدن استعانه ایتیمز مال شریفنده بولنان « انالاستعین بمشرك . -
رواه ابوداود و ابن ماجه » حدیث شریفی ، شراح حدیثک بیانلرینه کورد ،
احتیاج اکید کورلمدکجه مشرکدن طلب معاوتی منع ایدیور ، مع مافییه
موضوع بجممز اولان حدیث شریفه معارض دکلدر . زیرا مشرک بشقه ،
مسلم فاجر بشقه در . شراح بخاری عینی ناک بیسانه کوره : بعض علما
عندنده بو حدیث شریف بروقته خاسدر ، مشرکدن استعانه جائزدر .
نته کیم نبی افخم صلی اه علیه وسلم افندمیز حضرتلری هوازن محاربه سنده
مشرکیندن صفوان بن امیه دن استعانه ایتمش ، یوز دوه آلمش ایدی .

حتی صفوان کندوسنه : (سن دین محمد « صلی الله علیه وسلم » اوزره
اولمدینک حالده فصل محمد « صلی الله علیه وسلم » ایلله برابر مقاتله
ایدور سین ؟) دیه نلره « رب من قریش خیر من رب من هوازن »
دیمش ایدی .

صوردیغکز حدیث شریف تصحیح ایتدیکم وجهله بخاری ده

ابو هريرة «رضی الله عنه» دن کان طریق صحیح ایله [الزهري عن ابن المسيب عن ابی هريره] وارد اولمیشدر. زهریدن شعیب ایله معمر روایت ایدیور. بویهجه ایکی قول ایریلدرق بخاری به واصل اولیور.

حدیث شریفک سبب ورودی ا کلاشیانجه حکمتی ده ا کلاشیله. جفندن ایلروجه حکمتک یازلمسنه حاجت کورولماشدر.

ازمیری اسماعیل حق

مَقَالَات

مسلمانلرک اوغرا دقلری فلا کتله کندی نفسلرندن در.

«وما اصابکم من مصیبة فبا کسبت ایدیکم . . . فرقان حکیم»

انسان نه عجایب مخلوق در: کندی ایله نفسنه قارشى الك بیوک جنایتی ارتکاب ایدر. اونی فلا کت اوچوروملرینه سوروکلر، اسباب سعادتنی اهل ایدر، طرق رفاه ونجاتی بر اقریده سوکره کندی ایله حاضرلادیفی بوجنایتی، بو فلا کتی بشقملرینه، بی کنه اولان معصوملره یوکلتمه یه چالیشیر؛ فلا کتک، جنایتک سببی بشقه طرفلرده ارامنه قالقیشیر!

یاخود باشنه کلن فلا کتله سبب اولمق اوزره طبیعتی کوستیر؛ کندی ایله حاضرلامش اولدیفی او دهشتلی مصیبتلری، او الیم فلا کتله زمانک فناغنده، بشقه کیمسه لک تقصیراتنده کورور؛ کندیسنک معذور اولدیغنی سویلر. اکر بوده ممکن اولماز، طرق اعذار قیایر، او قبودن کیرمک ده کوجه شیرسه او زمانده بوفلا کت ومصائبی «قدر» یوکلتمک ایستر؛ باشنه کلن فلا کتک سببی «قدر» اولدیفی زعم فاسدنده بولنه رق اونی لوم ایدر. «انسانک قضا وقدری کندیسنه دشمن اولنجه نه یایسه فائده ویرمز؛ قدر یاردم ایتدکجه دوشوندکاری چاره لر، بلانلر، هپ بوشدر» دیمکه قالقیشیر:

«وغدا یعتب القضاء ولا عند ر لخاص فیا یسوق القضاء»

بز مسلمانلر اوله اعتقاد ایدیورزکه: جناب حق، علم ازلی آلهیسنده مسبوق اولدیفی وجهله مخلوقاتی اراده واختیار صاحبی اولارق خلق ایلدی؛ شبه یوق که نوع انسانده مخلوقات جله سندن در؛ انسان هر نه ایشلرسه کندی اراده واختیاری ایله ایشلر؛ بواراده واختیاری ده بر علمدن نشئت ایدرکه: او علم ایله مصاحت و منفعتی، مفسدت ومضرتی اکلار، اوکا کوره حرکت ایدر. بوعلمک ضروری قسمی اولدیفی کبی، مکتسب اولان قسمی ده واردر.

بوعلمی اکتساب ایتک ایچون بک واضح طریق واردر؛ اوطریقلردن خارجه چیقلمدقجه غایه یه بک قولای ایریشیلیر.

عجبا انسانک علم ازلی آلهی بی، اراده سبجانیه بی اعتقاد ایتمی

کندیسی ایچون طریق مستقیمدن انحراف ایدوبده وادی اضمحلاله یووارلامسنه عذر اولورمی؟ عجبا، عالمک بر خالقه محتاج اولقسزین مجرد اتفاق و تصادف نتیجه سی موجود اولدیغنی؛ یاخود - حاشا - اراده واختیار صاحبی اولمیان بر خالق جاهلک ایجاد ایتدیکنی فرض ایتک انسانک عذرینی ازاله ایدرمی؟ خیر، خیر! بونلر اوله هذیان - درکه ارباب عقولدن صدوری متصور بیه دکلدر.

اوله ایسه مسلمانلره نه اولیورکه هرشی ده قضا وقدری اوکه سوربورلر؟ بشقه طرفلره یوکلتمه مدکلری فلا کت ومصائبی قدره تحمیل ایتک ایسته یورلر؛ ایکیده برده باشلرینه کلن فلا کتله سببی تدقیق ایتک ایسته میهرک «آرتیق علم الهی ده بویه سبب ایتش اولدیغندن اراده سبجانیه ده بویولده تعلق ایدر بکدر؛ بشقه درلو اولماز» دیوب ایشک ایچندن چیقورلر!

مسلمانلر هر شیئی قدره تحمیل ایتکله اوله بر درکه یه سقوط ایتدیلمک: هم کندیلمی، هم ده مسلمانلرک اوصاف، پاک اولان عقیده سی عادتاً مالی سائر دنک مسخره سی یایدیلر: «مسلمانلرک ترقی ایدمه سی قضا وقدره اولان اعتقادلری در؛ مسلمانلر بو عقیده بی تلقین ایدن دینی بر اقدقجه تمدن ایدمزلر» دیه دینی، قرآنی تحقیر قدر واردر دیلر.

حال بوکه اراده واختیار صاحبی اولان بر انسانک باشنه کان فلا کتدن طولانی - هیچ بر وقت قضا وقدری لوم ایتمی طوغری دکلدر. بونک ایچون درکه ائمه مسلمین دن هیچ بریسی، انسانک علمده، سعی وعملده اولان تقصیراتی اوزرینه قضا وقدرله احتیاج ایتمی، آنلرده اولان تقصیردن تشئت ایدن فنالنی قضا وقدره اسناد ایتمی تجویز ایتمه مشلدر، بالعکس بو کبی شی دن صراحة منع ایتشملدر. چونکه فنالنی قدره نسبت ایتک، جناب حقه نسبت ایتک اولدیغندن، سوء ادب در؛ کتابه، سنته، نصوص ائمه یه مخالف در. بونک ایچون درکه کفارک مشیت ایله احتیاجه قالقیشمالرندن طولانی قرآن کریم اونلری شدتله توبیخ ایدیور: «سیقول الذین اشرکوا لولئله الله ما اشرکنا ولا آباؤنا ولا حرمانا من شی کذلک کذب الذین من قبلهم حتی ذاقوا بأسنا قل هل عندکم من علم فتخرجوه لنا ان تتبعون الا الظن وان اتم الا تخرصون». کورولیور که قرآن کریم، بویه اسباب سعادتنی اهل ایدوبده قضا وقدرله احتیاجه قالقیشمالری شدتله توبیخ ایدیور، اونلرک یالانچی اولدقلری سویلیور. چونکه مفسرین کرام حضراتی آیت کریمه ده کی «خرص» ی کذب ایله تفسیر ایدیورلر. بو صورتله اعتقاد ایدنلری زجر وقدر ایله احتیاجدن منع ایتک خصوصنده بشقه برشی وارد اولسه بیه بو آیت کافی ایدی. حال بوکه بو باده دها بک چوق آیت واردر، که شو آیت ده بوجهلدر: «واذا قیل لهم انفقوا بما رزقکم الله قال الذین کفروا للذین آمنوا انطم من لو یشاء الله اطعمه ان اتم الا فی ضلال مبین»

خلاصه: انسان علمنده کی تقصیر، سعی وعملنده کی یولسزلق طولان